

**REUNIÓN DA COMISIÓN ESPECIAL NON
PERMANENTE DE ESTUDO SOBRE A
SEGURIDADE VIARIA EN GALICIA**

Día: 15.03.2017 Hora: 16:00

A Comisión non permanente de estudo sobre a seguridade viaria en Galicia, da que vostede forma parte, reunirase o próximo día 15 de marzo de 2017, ás 16:00 horas, no pazo do Parlamento.

A orde do día é a seguinte :

- Punto 1. Aprobación das Normas de funcionamento da comisión.**
- Punto 2. Delegación da Mesa da Comisión das facultades previstas nos artigos 44.1 e 143.1 do Regulamento da Cámara, conforme ao establecido na resolución da Mesa do Parlamento do 11 de abril de 1986.**
- Punto 3. Fixación do prazo para a presentación polos grupos parlamentarios de propostas de plan de traballo.**

O que lle comunico para o seu coñecemento e a súa convocatoria á devandita reunión.

Santiago de Compostela, 10 de marzo de 2017

Paula Prado del Río
Presidenta da Comisión

RELACIÓN DE MEMBROS DE COMISIÓN ESPECIAL NON PERMANENTE DE ESTUDO SOBRE A SEGURIDADE VIARIA EN GALICIA

POR ORDE ALFABÉTICA

Mesa

Presidenta

Paula Prado del Río

P

Vicepresidenta

Luca Chao Pérez

EM

Secretario

Xosé Luís Bará Torres

BNG

Vogais

Raúl Fernández Fernández

S

Martín Fernández Prado

P

María Montserrat Prado Cores

BNG

Patricia Vilán Lorenzo

S

Luis Villares Naveira

EM

**Reunión da Comisión especial non permanente de estudo sobre a
seguridade viaria en Galicia**

Día: 15.03.2017

Hora: 16:00

Orde do día

1. Aprobación das Normas de funcionamento da comisión.

Proxecto de Normas de funcionamento da Comisión especial non permanente de estudo sobre a seguridade viaria en Galicia

(elaborado pola Mesa da Comisión o día 10 de marzo de 2017)

I. Obxecto e duración

Artigo 1

A Comisión especial non permanente de estudo sobre a seguridade viaria en Galicia créase co obxecto de pór en marcha un instrumento institucional na Cámara galega que sirva de foro de estudo e debate e ofrezca propostas de solución para mellorar a seguridade viaria en Galicia e reducir a sinistrabilidade, co fin de rematar os traballos iniciados na IX lexislatura.

Artigo 2

A Comisión créase para a concreta función de estudo prevista no artigo 1 e extinguirase ao remate do labor encomendado e, en todo caso, ao concluír a lexislatura.

II. Organización

Artigo 3

A Mesa é o órgano de goberno da Comisión e terá as seguintes atribucións:

- a) Recompilar todo tipo de información sobre a seguridade viaria en Galicia
- b) Organizar as actividades que se consideren necesarias para dotar a Comisión de toda a información que sexa de interese para a elaboración do ditame.
- c) Preparar os documentos que deban ser sometidos á deliberación da Comisión.
- d) Propoñerlle á Comisión un Plan de traballo, escoitadas as persoas portavoces dos grupos parlamentarios presentes na Comisión e unha vez remitidos por aquelas as correspondentes propostas de plan de traballo.
- e) Executar os acordos tomados pola Comisión.
- f) Aquelas que en calquera momento lle asigne a Comisión.

III. Funcionamento

Artigo 4

A Comisión será convocada pola súa Presidencia, de acordo coa Presidencia do Parlamento, por iniciativa propia, a petición de dous grupos parlamentarios ou dunha quinta parte das deputadas e dos deputados da Comisión.

Artigo 5

1. A Comisión e a súa Mesa entenderanse validamente constituídos cando asistan a metade máis un das deputadas e dos deputados pertencentes a estes órganos.
2. Os acordos adoptaranse por maioría aplicándose o criterio do voto ponderado.

IV. Medios de acción

Artigo 6

A Comisión poderá exercer as facultades previstas no artigo 44.1 do Regulamento da Cámara. Estas facultades, atribuídas á Comisión no seu conxunto, poderán delegarse na súa Mesa, ao abeiro do disposto na resolución da Mesa do Parlamento do 11 de abril de 1986.

Artigo 7

A Comisión aprobará un plan de traballo, no que figurará o calendario xeral de actividades.

V. Ditame

Artigo 8

A Comisión aprobará un proxecto de ditame que conterá as conclusións ás que chegue.

Artigo 9

Se a Comisión designara unha ponencia, esta elaborará o proxecto de ditame. O proxecto elevaráselle á Comisión para o seu debate e, se é o caso, a súa aprobación.

Artigo 10

Redactado o proxecto a Presidencia da Comisión remitirállelo ás deputadas e aos deputados desta no prazo previsto no calendario de actividades.

Artigo 11

As deputadas e os deputados da Comisión poderán presentar emendas ao proxecto de ditame dentro dos cinco días hábiles seguintes a súa remisión.

Artigo 12

O proxecto do ditame coas emendas presentadas será obxecto de debate no seo da Comisión, para a súa aprobación definitiva por aquela.

Artigo 13

Os grupos parlamentarios e as deputadas e os deputados da Comisión poderán formular votos particulares ao ditame cando discrepasen do seu contido. Os votos particulares deberán presentarse á Mesa da Comisión dentro dos cinco días hábiles seguintes á finalización do ditame.

Artigo 14

1. O ditame cos votos particulares que houbese seranlles remitidos á Mesa do Parlamento, nos cinco días hábiles seguintes á súa terminación, para os efectos da súa tramitación e aprobación no Pleno, se fose procedente.

2. O ditame cos votos particulares que houbese, serán publicados no *Boletín Oficial do Parlamento de Galicia*.

Disposición derradeira única

En todo o non previsto nestas normas aplicarase supletoriamente o Regulamento do Parlamento de Galicia.

**Reunión da Comisión especial non permanente de estudo sobre a
seguridade viaria en Galicia**

Día: 15.03.2017

Hora: 16:00

Orde do día

2. Delegación da Mesa da Comisión das facultades previstas nos artigos 44.1 e 143.1 do Regulamento da Cámara, conforme ao establecido na resolución da Mesa do Parlamento do 11 de abril de 1986.

**Reunión da Comisión especial non permanente de estudo sobre a
seguridade viaria en Galicia**

Día: 15.03.2017

Hora: 16:00

Orde do día

3. Fixación do prazo para a presentación polos grupos
parlamentarios de propostas de plan de traballo.